



PRESSADIEĐÁHUS – SÁMEDIKKI DÁIDDÁRSTIPEANDA 2019

Sámi Dáiddárráđi stipeandalávdegoddi lea 2018 juovlamánus juohkán 2019 dáiddárstipeandaid. Stipeandalávdegoddi juohká bargostipeandda, bargostipeandda nuorat dáiddáriidda, oanehisáiggestipendda ja iešguđetgelágan smávit stipeandaid.

2019s leat bargostipeandaid sturrodagat 268 000 ru. Bargostipeanddat bistet gaskal 1-5 jahkái, ja bargostipeandda nuorat dáiddáriidda bistá gaskal 1-3 jagi.

Oanehisáiggestipeandda lea oaivvilduvvon dáiddáriidda geat háliidit bargostipeandda áigodaga oanehat áigái, gaskal mánu ja guhtta mánu. Oanehisáiggestipeandda bajit rádjá lea 133 800 ru. Iešguđetgelágan smávit stipeanddat sáhttet juolluduvvot gitta 50 000 ru. rádjái.

2019s leat juolluduvvon 2 bargostipeandda, 1 bargostipeandda nuorat dáiddárii, 2 oanehisáiggestipeandda ja 10 smávit stipeandaid:

Susanne Hætta gii orru Čáhcesullos, lea ožžon bargostipeandda 3 jahkái. Susanne Hætta lea girječálli geas leat áigeuovdilis girjeprošeavttat eará dáiddáriid birra, maiguin son lea ožžon fuomášumi. Govvadáiddáriin ja girječálliin son laktá dáid fágasurggiid alla dásis. Stipeandain son háliida bargat ovdánahttit govalaš ja girjjálaš dáiddu ja olahit ollislaš dáiddalaš ovdáneami ja čieknudahttima guhkit áiggi badjel. Iežas gullelašvuodain Finnmárukui, sámi árbbiinis ja bajásšaddanvásáhusaiguin sámi ja dáža servvodaga rájaid gaskkas, addá sutnje ovddasvástádusa ja vejolašvuoda gaskkustit vásáhusaid, muitalusaid ja dáidaga vuolggasadjin.

Son háliida maiddái čállit filbmamánusa iežas girjji “Utsi-veien ut av det kriminelle livet” vuodul. Hættas lea buorre ja kreatiiva plána viđa jagi badjel. Sutnje juolluduvvo 3-jagi bargostipeandda ja sáhtta dáiinna lágiin bargat ángirit vai olaha iežas dáiddalaš áigumušaid.



Govvideaddji: Ingerid Jordal

Marja Bål Nango gii orru Ivgovuonbađas oažžu 3-jagáš bargostipeandda. Nango lea čájehan ahte máhtta ráhkadit filmma ja son bargá nana sámi birrasis ja lea ollesolmmožin beare bargan sámi filmmain. Nango filmmat leat vuoitán mánga dehálaš bálkkašumiid main leat ollu dehálaš fáttát. Nango geavaha sámegeiela bargogiellan mii lea dehálaš sámi filmbairrasii. Nango áigu stipeanddain bargat guhkesfilmmain Guođoheadđji, ja son áigu plána mielde ieš bargat olles proseassain mánushábmemis gárvves ráhkaduvvon filbman. Son jáhkka geargat filmmain jagis 2021.



Govvideaddji: Kaja Smith

Raisa Porsanger Kárášjogas eret lea ožžon 2 jahkásaš bargostipeandda nuorat dáiddariidda. Raisa Porsanger lea gazzan oahpu dáiddaakademijjas Oslos, son bargá sámi identitehtain ja kultuvrrain iešguđegelágán čájehanhámiid bokte nugo govva, videodáidda ja installašuvdna. Porsanger áigu bargostipeanddain čiekŋudit iežas sárgun ja njohtan dáiddu buktin dihtii ođđa dimenšuvnna iežas bargui, muhto maiddái beassat bargat illustrašuvnnaiguin. Porsanger čájeha iežas bargguid bokte ahte su dáiddalaš ovdanbuktin lea viiddis ja son lea maid multidáiddár gii rasttida iešguđetge rájáiid iežas videodáidagiin.



Govvideaddji: Torgrim Halvari

Čujuhus/besøksadresse
Suomageaidnu 14
Organisajsonsnr: 971 407 581

Poastačujuhus/postadresse
Boks 23
N – 9735 Kárášjohka/Karasjok

Tel: (0047) 78 46 70 06
E post: post@samidaiddar.no
Websiidu: www.samidaiddar.no

Čuovvovaš lea ožžon oanehisáiggestipeandda:

Elin Kåven, komponista ja musihkkár, 3 mánu stipeanda

Elin Kåven háliida ovddidit konseapta “den arktiske alven”. Su musihkka galgá leat dehálaš oassin dain. Son áigu stipeandaáigodagas laktit mánja dáiddasuorggi mitalit historjjá mas ođđa digitálalaš reaidut galget gaskkustit su musihkka. Su ideat lea gelddolaččat ja lea oassi viiddis ođasmahttimis leahkit musihkkárin Elin Kåven ja su sávaldat lea ge viiddidit iežas dáidárvuođu.

Kenneth Hætta, dramatihkkár, 6 mánu stipeanda

Hætta háliida oahppat dokumentáralaš teáhtera. Hætta bargu sihke bálkkašuvvon journalistan ja dramatihkkáriin lea nana vuodđun oanehisáigge stipendii vai beassá johtui iežas prošeavttain mii lea čilgejuvvon su ohcamušas.

Iešguđetlágan smávit stipeanddat leat juolluduvvon:

Ramona Irene Myrseth,	bivttashábmejeaddji,	álggahanstipeanda,	40 000 ru.
Marja Bål Nango,	filbmadahkki,	giellakonsuleanta veahkki,	50 000 ru.
Kenneth Hætta,	dramatihkkár,	mátkestipenda,	40 000 ru.
Risten Sokki,	girječálli,	mátke- ja oahppostipeanda,	20 000 ru.
Ánndaris Rimpi,	komponista,	ávnnasstipeanda,	40 000 ru.
Karen Anne Buljo,	juoigi ja girječálli,	ávnnasstipeanda,	27 000 ru.
Kristin Tårnesvik,	govvadáiddár,	ávnnasstipeanda,	50 000 ru.
Elina Waage Mikalsen,	govvadáiddár,	ávnnas, mátki, kursa ja honorára,	50 000 ru.
Hanne Grieg Hermansen,	govvadáiddár,	ávnnasstipeanda,	50 000 ru.
Josef Halse,	govvadáiddár,	ávnnasstipeanda,	34 500 ru.